

Munnu senza reguli

Elisabetta Randazzo

Munnu senza reguli



26 poesie

Scrivere

Affamati di carni crura

Dialettali (30/08/2010)

*Sugnu stanca,
ri sti ciumi di riscussi
u cori miu è accussì pisanti*

*vogghiu ittari sulu vuci
ri comu mi sentu
in crusci*

*quannu i paroli
non figghianu paroli
e u ciatu ne denti*

*Mi sentu in mezzu
d' affamati di carni crura
aggubbati supra la terra*

*Lassatimi 'u silenziu
facci 'mpassuluti di li peni
e fazzuletti niri ri cutuni*

*Vogghiu ripusari
mentri mi calanu
pi vasari la terra*

*'ntra radichi accruccati
unni la paci eterna
è garantita*

*una vuci si fa cantu
a scicala rintra u campusantu*

Dialettali (15/12/2006)



*Vogghiu cantari
diciva u cantastori
di sacchetti bucati*

*Ri stu munnu tuttu guai
si vuliti riplicari
sintiti zoccu vi vogghiu diri*

*Capu a un mulu
cu na ciotola di vinu
ni putemu parlari*

*Ora pinsamu a nui
si l'omini si lagnanu..
pu u pitittu*

*Menzzu lu friddu minacciusu
tra grutti...e pani ruru
mentri li vermi lu rusicanu*

cantu

*Sutta li bumbi
e i surci c'abballanu
satariannu*

cantu

*Vogghiu moriri cantannu
tira muleddru tira
na stu munnu di imbrogghi*

cantu

*Lu cantastori s'invvecchia
li so tempi già passati
campa allegru*

canta

*U mi basta u lustru
la luna*

*Si un ci fussi tu
u munnu è nenti*

*semu fatti ri carni
e no di broru*

*sugnu capaci
pi ttia suffriri*

e l'anima chianci

*non pozzu n'ura
arripusari*

Brucia la terra mia

*Tegnu la porta aperta
mi veni 'na scossa 'ndo cor
aspittannu a tia*

e na me vucca nasci un suspiru

Dialettali (15/08/2006)




*Na farfalla ad ali aperti
chi sbatti supra un ciuri*

*Ohimè...
lu sentu risbigghiari*

*Lu cori miu
canusci lu miu amuri*

*L'accarizza beatu
ciatu a ciatu*

*E jornu dopu jornu
mmenzu trona e fulmini
lu focu avvampa*



*'A me vita jè fatta i lacrimi
e manc'anticchia i gloria.*

*Un figghiu d'accura e di carizzi
ogni jornu d'un patri avi bisognu.*

*Li me vuci e li me scanti
un l'a' mai canusciutu.*

*Quantu friddu 'nta la notti
quannu a tò vuci lu cori miu circava.*

*La me peddi i to vrazza forti
vuliva, patri miu*

*mentri sintiva li sireni 'nta la notti
e li trona a la porta...*

*Trasivanu 'nta casa nostra
mittennu 'nginucchiuni l'onuri nostru*

*Scutava u rumuri di so passi
mentri ca ti purtavanu a ddà via*

*e lu me sciату era...
cchiù strittu du me silenziu.*

*Li me lamenti, muti e senza fini jeranu
lu nomi tò e quattru venti ripitevanu*

*sintennu li frisca di li sireni
chi a picca a picca s'alluntanavanu.*

*Io sugnu una e vuatri siti tanti
Ci sunnu sentimenti accussì granni*

*Na malatia tinta
l'indifferenza*

*comu chianciu
turmentu pi cù soffri*

*Ia sottuscritta suppricu crimenza
pi 'na revisioni di sentenza*

*picchi 'na matri parra cu cuscenza
cu tantu affettu e benevolenza.*

*populi pronti a scannarisi
comu scecchi rragghianu*

*picchè un si sazziano chiù
affamati di putiri*

*parranu d'amuri
cumpagni di viaggiu*

*Cu é onestu, non è fissa
cerca di dari versu a so vita
e lu sangu sbatti ad ogni vna*

fa crisciri un ciuri

di ddu pratu malatu

*Ranni pitturi
culuri ra sicilia*

*U gelsuminu
menzu a vanedda
lassa l'uduri*

Cu una coppula vecchia

Dialettali (30/09/2009)

*Occhi sicchi
comu la terra
brusciata ru sulì*


*ancora portu
ne spadri
un duluri anticu
un populu
poviru e sevu*

*e cu una coppula vecchia
luttavu pi lavoratori
contru chiddi
ca nu'n sapevanu raggiunari*

*ed io poviru viddanu emigratu
m'illudiva ri farici pruvàri
comu si sudava lu pani*

E 'o chiammai ammore

Dialettali (29/09/2010)



*Vurria cantà 'ncopp'a fenesta toja
anema e core.*

*Cu 'st'uocchie tuoie chin' 'e malincunia
ll'anema mia s'addorme e 'a notte sonna*

e 'o chiammai ammore.

*Nun te mettere appaura, vien'accà
c'o tiempo passe e chiù nu torna*

*'mmieze 'a tempesta 'e core
veco 'int' 'a ll'uocchie lacreme amare*

e 'o chiammai ammore.

*Ncopp'a 'sta vocca bella
n'aggie pruvate tante 'e sentimento*

*Te guardo' e nun te veco
tu si pe mè na cicatrice doce dint' 'o core
che stà murenne chiane chiane d' 'o dolore*

*Vulesse puté turnà arete
ma 'o sanghe bolle dint' e vvene*

*Pecché addo staje,
si ll'unico ammore vero 'o cchiù carnale*

*Chi manu nte sacchetti
pedi fitusi... sputanu lacrimi*

nun trovanu ne casi ne paisi

*Figghi d'infernù cu l'ali tagliati
di carni scurciata e spiranza...
tò cori*

*Timida e scantata
raffinati eranu i to muzzicuna*

*Lu dici ccu tant'impetu
infami capu a stu lettu
sussurannu t'acosti*

*Vogghiu teneri baci
allentati la brigghia
sceccu travaghiatu*

*M'briacu t'infochi
prima m'afferì cu duci carizzi
Veniri allarga...
arrizulanno figghi*

*Senza ammirare u cursettu
cadi sazzu
supra u cori affrantu*

*Sugnu viva e ti ripetu
desideru anticchia
di rispettu*

*Amuri chi firisci
comu carni di maciellu
na stu lettu*



*U fazzulettu niru i cutuni
li primi sospiri
tinennusi li mali di lu munnu*

*Adiventanu lividi i pinzeri
quantu morti stinnicchiati
fimmini scantati*

*Gridu di sapienza, vuci di cuscenza
cu lu sguardu assenti
vasati di matruzzi a li so figghi*

*Mali distinu turmentu dispiratu
parati a luttu strittu*

M'embriaco d'amore

Dialettali (04/08/2010)

*Io de guardatte nun me sazio
e me ne vanto*

*M'embriaco d'amore
na' ferita ar core*

.

*Nun m'esce manco 'na parola
me se strazia er petto*

*provo 'na gran dorcezza
co' l'occhi de' la mente*

*Lassù er firmamento
un foco lento
che me consola*

*Cu giacchi e cravatti
veni ammugghiata
a scapiddata cuscenza*

*Lu cori di l'omini
ca mancianu e agghiuttunu
nun cunuscunu sangu
e suduri*

*Un mancianu favi cotti
un penzanu figghi e mogghi
un sfasmanu otto vucchi*

*Chi sunnu paroli di cunfortu
pi omini comu iddi?
sannu sulu parlari*

*Un tennu fazzoletti
p'asciucari occhi di chiantu
chiantanu sulu banneri di vittoria*

*Comu lu ciumi
lu tempu cammina*

*e parru cu mia
chi stissi sentimenti
di allura*

*un tappitu ri pampini
e di ciuri*

*sentu ancora
a so vuci*

*comu nu vinticeddu
c'accarizza*

*stritta ti tegnu
no cori*

*e mi sentu
carni incurpurata
senza lardu*

*m'asciucu l'occhi
pinzannu ca ti ni
isti ri sta terra*

*addinucchiata
su petri e fangu*

*li me pulmuna
un hanno vuci
ne grida*

*mentri cala u sipariu
lu me strazio è pi tia
stasira*

matri mia

*Pinzeri purtati da lu ventu
quannu a sira si ricama di stiddri
ca m'illumina l'occhi
e lu me straziu è pi tia stasira*

*rintra li me carni
agghiaccianu li ossa
quannu ti cercu cu la menti
Matri mia*

*Ruspigghi i me ricordi
comu na spina peggio
ru filu spinatu*

*Tu mi criscisti
e la morti 'npitiusa t'arrubbò
mentri u marusu munta*

Mi cunciditi na'grazia

Dialettali (11/12/2006)



*Mi cunciditi vossia
na'grazia*

*Sta vaghizza ca tiniti
d'unni veni?*

*S'iddu rumpi qualchi nota
di la vostra rigurusità*

*Nu teni periculu
a soi pirsunalità*

*U me cori trema
na so vista*

*La mia carni brama
puru ta la nivi s'infoca*

*Cunciditimi nna vasatedda
na sti amabili mumentì*

*Posa li toi manuzzi
ni me cianchi*

*E fanni chi nni voi
lassa da parti*

*A toi curtisia...
abbanunati na sti carni bianchi*

*Pighiami d'ingannu
ed iu m'acciungu comu sacciu*

*Dillu amuri... dillu
ca sospiri pi mia*

*Mi vutu è mi stinnicchiu
Cu sta vampa 'ntra u cori
non ho paci, né ristoru.*

*Semu sulì e suliddi
mi stuzzichi li anchi
incarnu nuovi spasimi...
tormenti.*

*Dammi ajuto, nnunca moru
iu scrupili non vogghiu
ogni notti 'ntra lu lettu*

*Di tia non mi offennu
pigghiti stu fruttu
e astutalu so focu*

*Chi si duci, chi si beddu
mi sospiri ogni mumentu
mentri scurri lentu e tardu*

*Ma quantu lagrimi
supra l'ali ri stu munnu*

*Cu l'occhi minaciusi
rumpi 'nvitriati...*

*D' animi di scristallu
li pista l'ammacca*

*Comu babbaluci...
li strascina terra terra*

*Chiddi deboli
martoriati da società*

*Ci mancia l'ossa
l'unuri*

Ri stu munnu senza reguli

*Di chi ti scanti riccuni e avaru?
ti senti la testa 'ntra lu fossu
lu corpu agghiacciari*

*Picchi gridi e amminazzi
la morti un si paia
chi tò ricchizzi*

*quannu veni armata
duna corpi allu pettu
comu una pampina
ti strantulia*

*Affrunta sta sintenza
pi na vota abbi lu cori sinceru
pigghia sciatu e grida di duluri*



*Sicilia di 'mbrogghi
casi abbanunati di tempi trasannati
offrunu ai vostri occhi
orrendi grida no vostro sintiri.*

*Figghi rannicchìati
comu agnidduzzi mezzu ai pampini
abbruciàti, scapiddàti, affumicàti,
fimmini cu rusariu,
omini ca coppula e lupara*

*Ohimè... amici cari, di li nostri beni,
di tanta grazia nun parrati.*

*Vaneddri di gelsomini
profumeddu fino, agrumi culurati
l'occhi abbagghianu.
Eccellenti affreschi di dami e cavalieri,
ispirati dall'amuri cu li canti di cori
ancora sinceru*

*Quannu iju zappava
ppi crisciri figghi*

*all'epuca mancava
u pezzu ri pani*

*nuttati di friddu
eravamu costretti
a fari l'inchinu e rivirenza
genti senza cori*

*ricchi benistanti
chi surura ri nostri carni*

*ma sempri alla larga
e picca cunfidenza*

*"Papà, cumpari Nino
travagghia comu a tia
ma u manciari un ci manca"*

*Figghia mia, preferiscu
manciari pani e cipudra
senza fari un salutu d'obbligu
tinennu u vrazzu tisu*

Ammurri turmintati
cori rubati

Rigidu e minacciusu
ti gira comu na strùmmula

C'icugna cu la testa'ntra lu saccu
di la sua fuddia

Viscidu comi li vermi
n'gramagghiati

L'ammurri è chistu...
comu l'ossa chi stannu a moddu

Senza mai aristari cu l'anima asciutta
divintannu teatru ra to vita

Finu quannu l'acqua si ni cala

Quannu u suli smuntò la luna

Dialettali (08/06/2010)

*I casuzzi vasci
abbrazzati no silenziu*

*L'occhio rivoltu a Diu
senza grazia accanzata
supplicò climenza*

*I manu stannu ancora
stritti e chiusi*

*Sugnu' nto focu
tu morti, mi fascisti
cariri na stu' ngannu*

*e mi tocca pagari
sta cambiali
senza avvisari
figghi e mancu mugheri*

*Chi fimmina nutuli sì...
morti?*

*Picchi t'affanni
ti prisenti e mi trarisci
no sonnu*

*e quannu u suli
smuntò la luna*

*i passanti gridavanu
u zù Ninu u poeta
muriu*



*Sunnu sciunnuna nei carni
e granni peni*

*lu pettu si strinci
a giunicchiuni*

*l'occhi chini
duluri ranni e sfriggiati
comu nìuru, di pici*

*i manu 'te capiddi
non si dormi
vulissi acchianari mura lisci*

*chini di spiranzi
di silenziu senza vuci*

*maliditta morti
ancora un sì sazzia
unni ài sempri chi sucari*

Elisabetta Randazzo



Mi chiamo Elisabetta Randazzo e vivo in Sicilia, a Bagheria. Da piccola amavo stare in compagnia di mio nonno, Antonio Landolina, amavo stare con lui perché tra le altre cose era anche un Cantastorie e m'incantavo ad ascoltarlo.

Non credevo di poter scrivere, in quel tempo... ma con il passare degli anni sentivo crescere in me quest'esigenza che divenne una impellente necessità in occasione della morte di mia madre.

Ecco perché circa 8 anni fa volli dar voce alla mia anima e cominciai a scrivere racconti e poesie.

Decisi di aprire un sito Internet, per dar voce a questa mia esigenza e per permettere anche ad altri di fare altrettanto.

Così nacque "SCRIVERE" – nacque con l'aiuto e la collaborazione del Web Master Luigi BRUNO che tutt'oggi mi affianca insieme ai redattori Carmelo Sanfilippo (Rasimaco) – Nicomar - Giunone Giove- Salvatore Azzaro- Marina Como e Rosetta Sacchi

Tra i vari libri da me scritti vorrei menzionare

“Ogni battito d’ali” - 2009

“L’abito da sposa” – (Racconto)

“Un passo nella fossa- (Racconto)

“Voglio sentirmi dire tu sei mia” – (Poesie)

“Dove canta la cicala” – libro di poesie mie e di Carmelo Sanfilippo
(Rasimaco)

Indice

Affamati di carni crura	2
'Ntra radichi accruccati	3
Cantu...	4
U munnu è nenti	6
Ciatu a ciatu	7
Lacrimi r'addevu	8
Comu scecchi rragghianu	10
Culuri ra sicilia	12
Cu una coppula vecchia	13
E 'o chiammai ammore	14
Figghi d'infernu	16
Infami capu a stu lettu	17
Fimmini scantati	18
M'embriaco d'amore	19
Sangu e suduri	20
Mentri cala u sipariu	21
Matri mia	23
Mi cunciditi na'grazia	24
Mi stuzzichi li anchi	26
Munnu senza reguli	27
Riccu e avaru	28
Sicilia d'mbrogghi	29
Picca cunfidenza	30
Rigidu e minacciusu	31
Quannu u sulì smuntò la luna	32
Silenziu senza vuci	34
<i>Elisabetta Randazzo</i>	36